

中華書局

交

州

記

劉欣期 撰

此據嶺南遺書本
排印初編各叢書
僅有此本

右交州記二卷晉劉欣期撰。國朝曾釗輯。是書義例勉士廣文跋語並已詳。謂欣期爲東晉人。援據頗確。交州古嶺南地。考隋志。漢楊孚有交州異物志。無名氏有交州雜事九卷。註記士燮及陶璜事。吳書孫策傳註。晉王範有交廣二州春秋太平御覽。晉黃恭有交廣記。阮通志均已著錄。而獨缺是書。今廣文乃輯成二卷。亦紀嶺南載籍者所不忍遺也。內如卷一廣韻三交趾之人出南定縣足骨無節一條。亦見太平寰宇記一百七十藝文類聚一風母出九德縣似磼。見人若懸一條。亦見寰宇記一百七十一御覽八百六十陶璜築城於土穴中得一物白色如蠶踊一條。亦見寰宇記一百七十一原不必遍引。以省繁複。至泥黎城。其城在定安縣東南隔水七里。阿育王所遺塔講堂尚在。有采薪者時見金像一條。亦見寰宇記一百七十一。且明言劉欣期交州記而獨缺。則偶遺也。亦可以知纂輯之難矣。庚戌清明後十日。南海伍崇曜謹跋。

交州記卷一

晉 劉欣期撰
清 曾釗輯

據頭山在合浦海口傳云越王春米於此積糠所成御覽八百二十九。

有一湖去合流北四十里至陰日百姓樵捕見銅船出水上又有水牛在湖之中初學記七。

按合流太平寰宇記一百一十一。引作合浦考輿地志並無合流之名則作合浦是也然合壁事類引亦作合流未知其審。

鑿南塘者九真路之所經去州五百里馬援積石爲塘以通於海達於象浦建標爲南極之界御覽七十四。浮石山海中而峙高數十丈浮在水上藝文類聚一。御覽六百四十四。有一山神功刻鏤若射堋云石室口百步夜常聞射聲藝文類聚。

八。
類聚。

按太平寰宇記引交州記云居風山南接射堋山據此則山在居風縣以射堋名也。居風山去郡四里夷人從太守裴庠求市此山云出金既不許尋有一嫗行田見金牛出食斫得鼻鏹長丈餘人後往往見牛夜出其色光耀數十里御覽六百四十四。

按劉昭續漢志注二十三引交州記云光曜十里與此稱數十里少異。

儋耳之東臂一骨。御覽三百六十九

交趾之人出南定縣足骨無節身有毛臥者更扶始得起。廣雅三

趙嫗者九真車安縣女子也乳長數尺不嫁入山聚羣盜遂攻郡常著金揄蹠屐戰退輒張帷幕與少男通數十侍側刺史吳郡陸允平之。御覽三百七十一

按車安當據黎廟志略作軍安宋志隋志皆屬九真郡據蹠御覽四百九十九作蹠蹠八百十一又作擒捉未知其審。

俗好鼓琴牧豎於野澤乘牛唱遼遼之歌。歌曲說牛力強弱耕具輕重也僅隸於月下撫掌發烈謳以令美歌。御覽五百一十二一歲八蠶繭出日南也。文選李善注五桑則大小二種小桑孟春培之枝葉繁茂自三月至八月皆養蠶云。黎廟安南志

志略十五

龍編縣功曹左飛曾化爲虎數月還作吏。水經注三十七

兕出九德縣有一角角長二尺餘形如馬鞭柄。御覽三百五十九

犀出九德縣其毛如豕蹄有三甲頭如馬有二角鼻上角長額上角短。

九十五文類聚

章懷太子注後漢書章帝紀引云有三角鼻上角短額上頭上角長黎廟安南志略引云頭有三角鼻

上角知頭上角長並與藝文類聚異。

風母出九德縣似瑗見人若慙屈頸打殺得風還活。

藝文類聚一

竹鼠如小獁子食竹根出封溪縣。

藝文類聚九十五

按御覽九百一十一引作竹風鼠風疑衍文。

長鳴雞出日南。

御覽九百一十八

孔雀色青尾長六七尺能舒舞足爲節出嶺南諸處。

御覽九百二十四

驃驃黃喙喙長尺餘南人以爲酒器。

廣韻一

按御覽九百二十八引作黃啄二尺餘酒器作酒爵。

刺史陶瓊畫臥覺見一女子枕其臂始欲投之以爪榔切呼郭

其手痛不可忍放之遂飛去。

御覽三百七十

武陵縣秋九月黃魚上化爲鶴鳥。

御覽九百二十四

鮫魚出合浦長三尺背上甲珠文堅強可以飾刀。

初學記三十

按可以飾刀錦繡萬花谷後集卷四十引作可以飾刀口太平廣記引交州記同。

大貝出日南如酒杯小貝貝齒也善治毒俱有紫色。

藝文類聚八十四

九真太守陶瓊立郡築城於土穴中得一白色形似鼴頭無頭長數十丈大十餘圍軟軟動莫能名剖腹。

有肉如豬肪。遂以爲臞羹。甚香。瓊啖一杯。三軍盡食。御覽八百六十。

太和中。有人至武嶺穴中。有大蚍蜉甚大。御覽九百四十七。

大吳公出徐聞縣界。取其皮。可以鞶鼓。御覽九百四十六。

合浦東一百里。有一杉樹葉落。隨風入洛陽城內。漢時善相者云。此休徵。當出王者。故遣千人伐樹。役夫多死。三百人坐株上食。過足相容。藝文類聚八十九。

按御覽九百五十七引云二百里。

櫟生南海。狀若海欓。實名椰子。大如椀許。外有粗皮。如大腹子。豆蔻之類。內有漿似酒。飲之不醉。大觀本草

十四

枸櫞如柚。核細。御覽九百七十二。

榧子如桃。御覽九百七十二。

多感子。黃色圓一寸。蔗子如瓜大。亦似柚。

彌子圓而細。其味初苦後甘。食皆甘果也。齊民要術十。

都句樹似栟櫚木。中出屑如麪。可啖。齊民要術十。

君遷樹子如馬乳。御覽九百六十一。

大觀本草卷二十二引云。其實中有乳汁。甜美香好。黃泰泉通志卷二十三引君遷細似甘蕉子。如馬

乳。

藿香似蘇合

藝文類聚
八十一

豆蔻似杭樹

御覽九百
八十一

味辛堪綜合檳榔食治斷齒

御覽九百
七十一

含水藤生嶺南及諸海山谷狀若葛葉似枸杞多在路旁行人乏水處便喫此藤故以爲名大觀本草
金有華出珠崖謂金華采者也雪山在新昌南人曾於山中得金塊如升迷失道還置本處乃得出

金華出珠崖謂金有華采者

文選李善注五

交州記卷二

朱崖在大海中南極之外。御覽一百七十二

九真去郡三里有珍山山有神石廟值天亢旱二千石親到以水洗石即雲雨立降。太平寰宇記一百七十一海中有浮石山而峙高數十丈去永平營百餘里浮在水上昔李遜征朱崖欲審其實否牽長索於山底洞過御覽四十九

有浮石山在海中虛輕可以磨腳煮飲之止渴。御覽五十二

居風山南接射堋山。太平寰宇記一百七十一

風山在九真郡風門在山頂上常有風。事類賦二八

按劉昭續漢志注居風山有風門常有風據此則風山上當脫居字居風九真郡縣名。合浦八十里有圍洲周迴百里。初學記

九真郡西有弱水毛羽皆沈廣七八里望見旁人騎馬皆不得渡也。太平寰宇記一百七十一

龍編縣西帶江有仙山數百里。劉昭續漢志注二十三

廬容有採金浦。劉昭續漢志注二十三

慈廉江者昔有李祖仁居於兄弟十人並慈孝廉讓因此名江

御覽六十五

波斯王以金釧聘斯調王女也

御覽七百一十八

朱吾其民依海際居不食米止資魚

劉昭緝漢志注二十三

九真有一湖去合浦四十里至陰雨日百姓見有銅船出水中又有一牛出湖中以雞酒爲祭使獲魚倍若不設此祀則漁得牛糞而已

太平寰宇記一百七十一

越人鑄銅爲船在江潮退時見

劉昭緝漢志注二十三

翡翠出九真頭黑腹下赤青縹色似鷗鵟

御覽九百二十四

孔雀身青尾長六七尺能舒舞足爲節出諸處

黃秦廣東志卷二十四

合浦康頭山有一鹿額上帶科藤一枚四條直上各一丈許

太平廣記四百四十三

合浦口有麝角當額上戴科藤一株三四條長可一尋射師從禽每見而不敢射

黃秦廣東志二十四

按御覽九百六引作有麝考麝屬皆鹿類未知其審

荀漏有潛水牛上岸共鬪角軟還復出

劉昭緝漢志注二十三

按安南志略引作句漏縣有潛水牛上岸則角軟入水則復堅與此少異

鰐對出沙上卵大如鵝卵可食

御覽九百三十八

交趾封谿縣有隄防龍門水深百尋大魚登此門化成龍不得過曝鰓點額血流此水常如丹池

爾雅翼二十八·劉

招注漢志二十三·

鮚蝦似瑋瑁龜頭鼈身蝦尾色斑似錦文大如笠四足漫胡無指甲前有黑珠可以飾物

黃泰泉廣東志二十四·

合浦園州有石室其裏一石如彭形見榴木杖倚著石壁採珠人常致祭焉

御覽七百七十一·

枕亦色堪作船作牀

御覽九百六十一·

古度樹不花而實實從皮中出大如安石榴色亦可食其實中有如蒲葵者取之數日不煮皆化成蟲如

蟻有翼穿皮飛出著屋甚黑

齊民要術十·

龍眼高五六丈似荔支而小

御覽九百七十三·

章懷太子後漢書和帝紀注引同

白綠樹高丈實味甘美於胡桃

齊民要術十·

椰子有漿戲花以竹笛承取汁作酒飲之亦醉

御覽九百七十二·

按齊民要術引作承其汁似脫取字

蜜香樹似沈香無異主辟惡去邪鬼戶注心氣生南海諸山中種之五六年便有香也

大觀本草十二·

米豆出徐聞子美似烏豆枝葉類柳一年種數年採

黃泰泉廣東志二十三·

按齊民要術引作木豆。

鬼目樹似棠梨葉似楮皮白樹高大如木瓜而小邪傾不周正味酸九月熟又有草昧子亦如之亦可爲
穆因其草似鬼目御覽九百七十四。

含水藤破之得水行者資以止渴齊民要術十。

扶留有三種一名穫扶留其根香美一名南扶留葉青味辛一名扶留藤味亦辛齊民要術十。

附劉澄之交州記曰龍編縣有高山涇水之所出今交州也初學記六。

姚文咸交州記曰尉佗作朝殿以朝天子太平寰宇記一百五十七。

按劉欣期交州記隋唐志皆不著錄太平御覽徵引不少而圖書綱目所列書一千七百餘種獨無此記之名殆亡於宋以前歟劉欣期不見史傳不知何時人然以記稱太和封溪縣二條考之太和爲晉海西公年號封溪晉志屬武平郡宋志無則劉欣期當爲晉時人記又稱九真郡軍安縣考宋志引何志云晉武帝之太康地志無是軍安立於太康平吳之後又記稱李遜征朱崖考通鑑太元五年冬十月九真太守李遜據交州反則欣期當爲太元以後人矣記所載皆博核足資志乘考據惜其久佚爰刺取羣書所引以類相從分爲二卷其明稱劉欣期名者爲一卷劉澄之姚文咸二則附焉姚不知何時人劉澄之有江州記揚州記宜都山川記殆劉宋人也道光元年秋中曾劍識